

於松嶽城隍神以定都漢陽故移給之○庚子上親裸宗

廟率百官詣德壽宮問安進梅花一盆獻壽太上為之罄歡

○辛丑遣戶曹判書李至祈穀于圓壇○賑豐海道飢都觀察

使申浩報信州文化安岳載寧等數郡失農尤甚請以各官所

儲陳米太及乙酉年先納真麥賑濟從之○癸卯太白犯歲

星○甲辰宥鄭擢京外從便司憲府再上疏以為不可皆不

允○禁公私宴飲司憲府上言水旱相仍禾穀不登公私用度

窘竭故也○前忠清道兵馬都節制使金用超卒賜祭于殯用超

義城縣人性質真有武才三子華鏡鑑○丁未月八大微○忠

清江原道丁夫三千至都德壽宮昌德宮赴役各一千名漢城

府六百名掌開鑿川渠軍資監豐儲廣興倉司醢署各一百名

掌修葺廡宇○日本國志佐殿使人詣闕辭賜衣服有差命饋

之遺志佐殿銀鍾銀盃各一事苧麻布各五匹虎豹皮各二張

松子一百斤米豆各一百石○命置柳青元良哈多時昆車等

十九人于吾音會東北面察理使啓元狄哈等來投也○戊申

西方有赤氣○己酉司憲府復請孟思誠李舟等罪 不允○
倭船六艘寇長興府周浦掠兵船一艘而去○壬子元良哈萬
戶甫里等詣闕辭賜甫里衣一襲笠靴千戶古里等三人各衣
笠命饋於東廂○吾都里千戶金回大元良哈千戶金著和等
六人來獻正朝土物各賜縣苧布各一匹○乙卯流星出井八
昂形如龍色正青書雲司辰魏思玉當直不之覺下巡禁司杖
六十罷之○丙辰以朴嘗為全羅道都觀察使趙璞西北面都
巡問使權軫江原道都觀察使復以孟思誠為左副代言○賜
慶尚道都節制使柳龍生酒慶尚道乃而浦水軍萬戶卒息所
管千戶李賢阜捕倭船一艘以聞遣李順蒙賜龍生酒賜息綺
絹各一匹賢阜縣布各一匹格軍每一名米太各一石領船頭
目射官命錄名以聞將以賞職也○丁巳賜降倭林溫藤昆吳
文朴生等襦衣各二山南人王芝吳仁羅萬羅道朴南等縣布
紬布各一匹縣子一斤時倭寇侵掠公海之地溫等求從軍自
效故賞而遣之○倭船十六艘寇濟州州兵擊却之斬一級○